



Inatsisartunut ilaasortaq  
Debora Kleist  
Inuit Ataqatigiit

### § 36 tunngavigalugu apeqqummut nr. 2009-68 akissut

Inatsisartunut ilaasortap innarluutillit atuartitaanerannut tunngatillugu apeqquai Naalakkersuisunit qujassutigineqarput.

#### Ataatsimut isigalugu:

Ilaqutariit inuillu namminneq inuunerminnut sunniuteqarsinnaanerannik inuiaqatigi-innilu ataatsimuussutsimut ilaanermik misigisimasinnaanerannik kissaateqarnerup saniatigut inuit navianartorsionerusut, soorlu sumiginnakkat, innarluutillit, utoqqaanerusut tarnimikkullu napparsimasut sullinneqarnerisa namminersornermi suliasaqarfiit allat qanimut peqatigalugit ilisimasallu katersorneqareersut aallaavigalugit ineriartortinneqarnissaat Naalakkersuisut kissaatigaat.

Taamaattumik innarluutilinnut tunngasunik tamarmiusunik aaqqissuusseqqinneq ingerlaannarpoq. Sulialli innarluutilinnut tunngasut kommuninut nuunneqarnissaannik suliaqarneq pissutigalugu 2008-mi unitsikkallarneqarpoq. Ilaqutariinnermut Naalakkersuisoqarfik aaqqissuusseqqinnermik innarluutilinnut tunngasunik tamarmiusunik, taakkununga ilanngullugit ilaatigut ilinniartitaanermik, suliffeqarnermik ineqarnermillu misissuiffiusussamik aallartitseqqippoq.

#### Apeqquut 1:

Ullumikkut innarluutilinnik annertusisamik immikkut atuartitsinerup pitsanngorsarneqarnissaanut periarfissanillu allanik iliuuseqarnissamut Naalakkersuisut qanoq iliuuseqarniarpat?

#### Akissut:

Kommunit innarluutilinnut aamma PPR-imut tunngasunik, taakkununga ilanngullugu immikkut atuartitsinermik 2010-p qiteqqunnerani tigusinissaat naatsorsuutigineqarpoq, tamatumunngalu atatillugu Naalakkersuisut aamma KANUKOKA isumaqatigiinniarpot. Kommunit innarluutilinnut PPR-imullu tunngasunik tiguserisigut aamma kommunit inatsisit atuuttut naapertorlugit pineqartut innarluutilinnut pineqartunut allanullu immikkut perorsaanikkut ikiorserneqarnissamik pisariaqatitsisunut iliuusissatut pilersaarusiornissaat ajomannginnerulissaaq.

16. september 2009  
Sags nr. 2007-003194  
Dok.nr. 229528

Postboks 1029  
3900 Nuuk  
Tlf: +299 345000  
Fax: +299 322073  
Email: kiiip@gh.gl

Ullumikkut atuartut atuartussaataasut atuarfik pillugu peqqussut najoqqutaralugu immikkut atuartinneqarnissamut qulakkeeriffigisaapput. (Inatsisartut peqqussutaat nr. 8, 21. maj 2002-meersoq § 14.)

Ukioqatigiinnut allanut atuartitsinermut, sammisaqartitsinermut, suliffissaqartitsinermut il.il. inatsisitigut tunngavigineqartunut tunngatillugu nassuiaat taamani Ilaqutari-innermut Peqqissutsimullu Naalakkersuisoqarfiusumit, kiisalu Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfimmit 2009-mi apriliimi suliarineqartoq innersuussutigineqarsinnaavoq. Tassani ilaatigut inerniliussaavoq innarluutillit qanorluunniit ukiullit tamarmik atuarnermik, ilinniarnermik, sulinermik misiliinermik, sammisamik suliffimmilluunniit, assersuutigalugu eqaannerusumik suliffeqartitsinikkut nakkutiginniffiusumilluunniit sammisaqartitsinikkut ullumikkut inatsisitigut periarfissat atorlugit aallartitineqarsinnaasut.

Atuarfik pillugu inatsisitoq naapertorlugu atuartut 20-liinissaasa tungaannut atuartinneqarnissaat periarfissaavoq, atuartussaataaannermik sivitsuisinnaaneq taanna atuarfik pillugu inatsimmi nutaami atuutinngilaq, tassani ukiut qulit atuartussaataasoqarmat tamatumalu kingorna assersuutigalugu innarluutilinnik inuusuttunik **atu-artitsineq**, sammisaqartitsineq, suliffeqartitsineq **inatsisit** allat, assersuutigalugu sunngiffeqarneq pillugu inatsit naapertorlugu pisarluni. Tamatuma saniatigut atuarfimi suliassat meeqqanut inuusuttuaqqanullu atuartussaataasuinnarnut tunngapput, imaangilarli inuusuttut atuartitaanissamut, ilinniartitaanissamut il.il. periarfissalunnerulersut, akerlianilli aamma inatsimmi qulaani taaneqartumi inuusuttut immikkut aqqissuussifigineqarnissaannut periarfissarpassuaqarpoq.

#### **Apequt 2:**

Innarluutilinnik annertusisamik immikkut atuartitsiffiusut ” Specialcenter” Ilulissaniittoq aammalu ”Tungujortuaraq” Qaqortumiittoq siunissami pitsaannerusumik inatsisitigut periarfissinniarlugit Naalakkersuisut qanoq eqqarsaatersorpat?

#### **Akissut:**

Ilulissani Specialcenteri Qaqortumilu Tungujortuaraq illoqarfinni pineqartuni atuarfintut immikkoortortatut ingerlanneqarput. Atuartut atuartussaataasut immikkut atuartinneqartussanngorsimasut atuarfintut taakkununga innersuunneqarsinnaapput. Taamaattorli atuartut atuartussaataaneq sinnerlugu ukiullit aamma immikkoortortani taakkunani atuartinneqarnissaat inatsisitigut aporfissaqanngilaq, angajoqqaat kommuninik suleqateqarlutik tamatuminnga atuartup pineqartup ineriartorneranut tunngatillugu naapertuuttumik aqqiissutissaasorinnippata. Innarluutillit atuartussaataaneq sinnerlugu ukiullit atuartinneqarnerannik isumaginninnissamut kommunit ataatsimoortumik tapiiffigineqartareerput taamaattumillu kommunit namminneq aalajangigassaralugu kommunimi annertusisamik atuartitsineq qanoq aqqissuunneqassanersoq – pingaartumik atuartut atuartussaataaneq sinnerlugu ukiullit pineqartillugit.

#### **Apequt 3:**

Ilulissani innarluutilinnut annertusisamik immikkut atuartitsiffiusup ”specialcenterip” immikkut akuerineqarluni Ado Lyngep atuarfiatut atuartuutimi 21-nik ukioqalernis-

saasa tungaanut atugassaqartinneqalersinnaanerat Naalakkersuisut anguniarsinnaanerpaat?

**Akissut:**

Ilulissani Specialcenteri siuliini allaaserineqartutut kommunip Ilulissani atuarfiata immikkoortortaraa. Atuartunut atuartussaataasunut nalinginnaasumik atuartinneqarnissamut imaluunniit nalinginnaasumik immikkut atuartinneqarnissamut killiliussat malillugit atuartinneqarsinnaajunnaarlutik pisinnaassusikillimasunut aningaasartuutit PPR-imit innersuussisoqarneratigut akuersisoqarneratigullu Nunatta Karsianit matussuserneqartarput. Atuartunut atuartussaataaneq sinnerlugu ukiulinnut immikkut atuartitsinerup immikkut ingerlanneqarnissaa kommunip kissaati-gippagu atuarfik pillugu peqqussut pinnagu inatsisit allat naapertorlugit tamanna periarfissaareerpoq. Assersuutigalugu kulturikkut ingerlatsineq sunngiffimmilu sammisassaqartitsineq pillugit Inatsisartut peqqussutaanni nr. 10-mi, 21. maj 2002-meersumi § 4, imm. 3 punkt 7 aamma § 12, imm. 1-6 takukkit.

Ado Lyngep Atuarfia meeqqanut inuusuttunullu 14-20-nik ukiulinnut inerikkiartormikkut kingusissunut nerisaqarfigiutigalugu atuarfittut immikkut ilusiligaavoq. (Aningaasanut inatsimmi konto 40.10.11) Inatsisartut peqqussutaanni nr. 8-mi, 21. maj 2002-meersumi § 20, imm. 1-5- naapertorlugu Naalakkersuisut atuartut kingu-arsimasut atuaannarnissaat sungiusarnissaallu siunertaralugu atuarfinnik nerisaqarfiutigisunik immikkut ilusiliinissamut ingerlatsinissamullu piginnaatitsisarput. Atuartussanik tigooqqaaneq agguataarinerlu Naalakkersuisut erseqqinnerusumik aalajangersaanerat naapertorlugu pisarpoq. Maanna aalajangersagaq naapertorlugu Ado Lyngep Atuarfiani atuartut 20-liinissaasa tungaannut atuartinneqarsinnaaput. Atuarfik aningaasanut inatsimmi immikkut aningaasaliiffigineqartarpoq (aningaasanut inatsimmi konto 40.10.11), tassanilu suliassat aamma Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoqarfiup kaajallaasitaani nr. 7/82-imi nassuiarneqarlutik.

Taamaattumik atuarfimmi ukiuni qulini atuartussaataaneq pillugu aalajangersakkat allanngortinneqarnissaat, Ilulissaniluunniit Specialcenterip atuartunik 21-liinissap tungaanut atuartitsiviunissaanut akuersissuteqarnissaq Naalakkersuisut pilersaartiginngilaat.

Inussiarnersumik inuulluaqqusillunga

Mimi Karlsen